



SELANGOR KINI

PERCUMA 24 - 28 November 2018, 14 - 20 Rabiul Awal 1440

www.selangorkini.my @Media_Selangor

tv selangortv.my

f MediaSelangor



SMART
SELANGOR

Belanjawan Selangor 2019

#MajuBersama





Garap hasrat reformasi dan keperluan realiti

Belanjawan'19 milik rakyat

Belanjawan Selangor 2019 yang dibentangkan pada 23 November lalu bertunjangkan ikhtiar 'Merancakkan Ekonomi, Memberdayakan Rakyat dan Mensejahterakan Negeri'.

DATO' MENTERI BESAR, Amirudin Shari berkata, ia hasil dari garapan berdasarkan hasrat reformasi dan mengambil kira keperluan realiti masyarakat di Selangor selaras hasrat melonjakkan negeri itu sebagai aktor se-rantau Asia Tenggara.

Justeru, katanya, beberapa komponen inisiatif ekonomi dikenal pasti bagi memastikan Belanjawan Selangor 2019 menampilkan keseimbangan antara usaha merancakkan ekonomi, sekali gus mencipta aliran pendapatan baharu kepada negeri dan keperluan memberdayakan rakyat.

"Hari ini, genap enam bulan pentadbiran Pakatan Harapan (PAKATAN) menggalas amanah sebagai Kerajaan Negeri selepas pilihan raya bersejarah, pada 9 Mei lalu. Sepanjang tempoh itu, saya bersama anggota pentadbiran mencurahkan tenaga serta usaha mendengar sebanyak mungkin idea, mendekati rakyat juga merumuskan bentuk kebijakan yang harus diambil selain permasalahan yang perlu ditangani segera.

"Walaupun Selangor terkenal dengan julukan gedung ekonomi Malaysia, namun kita seharusnya tidak mudah berpuas hati dan hanyut dibuai dengan keselesaan itu. Sewajarnya, kita berusaha lebih kuat untuk memantapkan prestasi ekonomi, meningkatkan kecekapan pentadbiran dan memastikan kewibawaan berteraskan prinsip ketelusan serta bertanggungjawab sentiasa dijunjung.

"Sayugia diinsafi, kecekanan pentadbiran Selangor sejak 2008 demi melaksanakan agenda peduli rakyat menjadi pemungkinan kepada mandat yang sangat luar biasa pada Pilihan Raya Umum lalu. Keyakinan rakyat Selangor terhadap pentadbiran PAKATAN itu diterjemahkan kepada kemenangan 51 daripada 56 kerusi, di Dewan Negeri Selangor," katanya, di Dewan Annex, di sini.

Beliau berkata, naratif pembangunan ekonomi di Selangor menjadi contoh dan 'selling point' yang berjaya membawa PAKATAN ke Putrajaya serta ha-

rus ditanggapi sebagai kemahuan rakyat Malaysia kepada perubahan menyeluruh.

Beliau turut memetik tulisan Adam Smith berjudul The Theory on Moral Sentiments bahawa "kewibawaan akal budi akan mengemudi cita-cita melaksanakan kebaikan dan hanya akal, prinsip, nurani yang berada di dalam dada, adalah diri yang menjadi hakim hebat dan pentru tukar tindakan kita".

"Justeru, saya memikul tanggungjawab berat untuk meneruskan kecemerlangan dan melaksanakan tuntutan perubahan diingini rakyat.

"Semoga kewibawaan akal budi menjadi seumpama bintang utara kepada pentadbiran ini untuk menzahirkan kecemerlangan melakukan kebaikan, kecemerlangan memberdayakan masyarakat, 'the propriety of generosity' dan moga Allah SWT memberi petunjuk kepada kita untuk menjauhi kezaliman atau apa yang Adam Smith sebut 'the ugliness of injustice,'" katanya.



50 peratus Belanja Mengurus dan Pembangunan

BELANJAWAN Selangor 2019 menyaksikan Kerajaan Negeri bakal melaksanakan perbelanjaan seimbang dengan peruntukan Belanja Mengurus dan Belanja Pengurusan masing-masing berjumlah RM1.28 bilion.

Dato' Menteri Besar, Amirudin Shari berkata, sejumlah RM437.3 juta diperuntukkan untuk emolumen dan RM526.5 juta bagi perkhidmatan serta bekalan bagi Belanja Mengurus.

"Manakala, RM 221.98 juta disediakan untuk pemberian dan kenaan bayaran tetap serta RM 8.96 juta untuk pembelian aset juga RM 85.26 juta untuk perbelanjaan lain," katanya, di Dewan Annex, di sini.

Memperincikan peruntukan pembangunan, Amirudin berkata, Kera-

jaan Negeri mencadangkan peruntukan RM1.28 bilion atau 50 peratus daripada jumlah keseluruhan anggaran belanjawan.

Katanya, ia memberi penekanan kepada enam teras utama belanjawan iaitu infrastruktur, ekonomi, pendidikan, sosial, luar bandar dan kesihatan.

"Kerajaan Negeri masih menekankan pembangunan fizikal sebanyak 39.1 peratus dianggarkan untuk menampung perbelanjaan pembangunan infrastruktur iaitu RM500.2 juta.

"Perbelanjaan infrastruktur ini akan mendongkrak perkembangan ekonomi Selangor dengan peruntukan RM333.8 juta atau 26.1 peratus untuk memacu ekonomi negeri untuk terus berkembang dan mampan, pada 2019," katanya.

Memperincikan peruntukan pem-



Ekonomi Selangor kekal positif pada kadar 5.7%

EKONOMI Selangor dijangka kekal positif pada kadar 5.7 peratus pada 2018 dengan semua sektor mencatatkan peningkatan, menurut Malaysian Institute of Economic Research (MIER).

Dato' Menteri Besar, Amirudin Shari berkata, kajian itu turut menyebut sektor perkhidmatan dan pembuatan kekal sebagai pemangkin utama kepada pertumbuhan ekonomi Selangor.

Katanya, Selangor terus kekal sebagai penyumbang terbesar kepada Keluaran Dalam Negara Kasar (KDNK) melebihi 20 peratus, hampir 10 tahun.

"Ini membuktikan Kerajaan Negeri mempunyai keupayaan kewangan stabil melalui pengukuhan aspek tadbir urus yang menghasilkan perkhidmatan efisien dan polisi efektif.

"Peratus sumbangan KDNK Selangor kepada KDNK Malaysia pada 2017 meningkat kepada 23 peratus daripada 22.7 peratus pada tahun sebelumnya dan dijangka akan terus meningkat pada 2018, manakala kadar pertumbuhan KDNK Selangor pada 2017 adalah 7.1 peratus berbanding 4.8 peratus, pada 2016," katanya.

Beliau berkata demikian ketika membentangkan Belanjawan Selangor 2019 bertemakan 'Merancakkan Ekonomi, Memberdayakan Rakyat dan Mensejahe-

rakan Negeri', di Dewan Annex, di sini.

Amirudin berkata, sektor perkhidmatan di Selangor merekodkan nilai ditambah berjumlah RM161.79 bilion pada 2017 dengan sumbangan keseluruhan KDNK Selangor adalah 60 peratus.

Katanya, sektor itu mencatatkan pertumbuhan 6.8 peratus pada 2017 berbanding 6.0 peratus, pada tahun sebelumnya.

"Selangor adalah penyumbang utama kepada sektor pembuatan di Malaysia iaitu 29.4 peratus dengan nilai ditambah sektor ini pada 2017 adalah RM79.2 bilion berbanding RM73.4 bilion, pada 2016.

"Peningkatan nilai RM5.8 bilion ini merekodkan pertumbuhan 7.9 peratus (2016: 4.3%) yang diteraju industri berorientasi eksport dan domestik," katanya.

Katanya, sub sektor produk elektrik, elektronik dan optikal mencatatkan pertumbuhan dua angka iaitu 10.2 peratus (2016: 7.4%) disokong pengeluaran tinggi bagi produk semikonduktor, litar elektronik bersepada dan peralatan elektronik pengguna yang menerima permintaan global tinggi.

"Ini seiring dengan jumlah pelaburan diluluskan bagi industri elektrik dan elektronik yang meningkat kepada RM479.7 juta berbanding RM188.2 juta, pada tahun sebelumnya," katanya.



Sebulan gaji 20 Disember

KERAJAAN Negeri mengumumkan bantuan khas kewangan tambahan sebanyak satu bulan gaji kepada kira-kira 17,109 penjawat awam Selangor yang akan dibayar, pada 20 Disember ini.

Berita gembira yang memang dinantikan seluruh penjawat awam negeri itu diumumkan Dato' Menteri Besar, Amirudin Shari, pada pembentangan Belanjawan Selangor 2019, di Dewan Negeri Selangor, di sini.

"Saya merasa terharu dengan sokongan serta dokongan penjawat awam sepanjang lima bulan ini saya memikul amanah sebagai Dato' Menteri Besar.

"Keazaman mereka untuk menuaikan tanggungjawab dan kecekapan mentadbir menjadi inspirasi kepada saya untuk berusaha lebih kuat demi rakyat juga negeri ini," katanya.

Beliau berkata, bantuan kewangan khas itu memberi implikasi kewangan kepada Kerajaan Negeri sebanyak RM34.53 juta.

Amirudin berkata, beliau dan pimpinan negeri berikrar untuk memastikan Selangor terus unggul sebagai sebuah negeri kosmopolitan yang sentiasa maju ke hadapan, berupaya berentap sebagai aktor ekonomi juga budaya di rantau Asia Tenggara dan teguh prihatin dengan nasib rakyat yang memerlukan pembelaan.



PRESTASI KEWANGAN NEGERI SELANGOR KEDUDUKAN KEWANGAN

KEDUDUKAN RIZAB SEMASA NEGERI

15 NOVEMBER 2018

RM 2.34 BILION

Sejahterakan ekonomi dan kehidupan rakyat

Kerajaan Negeri catat prestasi kewangan baik

Kerajaan Negeri mencatat prestasi kewangan baik dengan kedudukan rizab semasa sebanyak RM2.34 bilion, pada 15 November lalu.

DATO' MENTERI BESAR, Amirudin Shari berkata, perolehan jumlah wang awam Kerajaan Negeri terdiri daripada wang tunai dan pelaburan dipegang bagi ketiga-tiga Kumpulan Wang Disatukan berjumlah RM2.84 bilion.

Katanya, tiga Kumpulan Wang Disatukan itu adalah Akaun Hasil Disatukan, Akaun Amanah Disatukan dan Akaun Pinjaman Disatukan, pada 31 Disember 2018.

"Pengurangan rizab semasa sebanyak RM503.12 juta berbanding akhir 2017 selaras dengan perancangan belanjawan diluluskan bagi tujuan mensejahterakan ekonomi dan kehidupan rakyat, di Selangor.

"Belanja Pembangunan sudah mencapai tahap 74.76 peratus, manakala Belanja Mengurus mencatatkan 75.18 peratus," katanya, di Dewan Annex, di sini.

Beliau berkata, kutipan sebenar hasil negeri bagi 2017 pula sebanyak RM2.81 bilion iaitu Hasil Cukai mencatatkan kutipan RM666.38 juta, Hasil Bukan Cukai (RM1.93 bilion) dan Terimaan Bukan Hasil (RM214.62 juta).

Sehingga 15 November lalu, katanya, Kerajaan Negeri mencatatkan kutipan hasil RM1.79 bilion iaitu 79.55 peratus daripada anggaran hasil bagi 2018 sebanyak RM2.25 bilion.

"Diunjurkan pada 31 Disember ini, Kerajaan Negeri akan berjaya mengu-



Kerajaan Negeri akan berjaya mengutip hasil berjumlah RM1.89 bilion bersamaan 84 peratus daripada sasaran RM2.25 bilion

AMIRUDIN SHARI
Dato' Menteri Besar


tip hasil berjumlah RM1.89 bilion bersamaan 84 peratus daripada sasaran RM2.25 bilion.

"Hasil Cukai mencatatkan kutipan RM612.18 juta (95.24%), Hasil Bukan Cukai RM 30.07 juta (66.74%) dan Terimaan Bukan Hasil RM247.62 juta (115.91%)," katanya.

Anggaran kutipan hasil RM2.2 billion

PRESTASI KEWANGAN NEGERI SELANGOR ANGGARAN HASIL

ANGGARAN HASIL TAHUN



KERAJAAN Negeri menganggarkan bakal mencatat kutipan hasil kira-kira RM2.2 bilion, pada tahun depan.

Dato' Menteri Besar, Amirudin Shari, membuat kenyataan itu ketika membentangkan Belanjawan Selangor 2019, di Dewan Annex.

"Hasil bagi 2019 dianggarkan RM2.2 bilion. Antara penyumbang utama kepada hasil negeri adalah premium tanah sebanyak 44.21 peratus, hasil cukai tanah (26.2%), urusniaga berkaitan tanah (4.33%) dan pemberian Persekutuan (9.49%)," katanya.

Beliau berkata, anggaran bagi kutipan hasil cukai tanah adalah sebanyak RM576.32 juta.

Katanya, kutipan hasil cukai tanah dianggarkan meningkat kerana pelaksanaan kutipan cukai petak ke atas hak milik strata, bermula Jun lalu.

"Anggaran kutipan hasil premium tanah adalah sebanyak RM972.64 juta dan anggaran kutipan hasil bagi pelbagai urusniaga berkaitan tanah adalah 95.18 juta.

"Manakala, anggaran terimaan daripada pembeiran Persekutuan adalah RM208.81 juta," katanya.



DATO' Menteri Besar, Amirudin Shari berkata, ia termasuk yang pertama iaitu Gugusan Industri Teknologi Tinggi dan 'Science Park' bagi kawasan Shah Alam, Subang Jaya, Puchong serta Cyberjaya.

Katanya, kedua adalah Gugusan Industri Aeropolis dan Aeroangkasa bagi kawasan Lapangan Terbang Antarabangsa Kuala Lumpur serta Lapangan Terbang Sultan Abdul Aziz Shah Subang.


"Ketiga pula Gugusan Industri Automotif dan Industri Sokongan bagi kawasan Serendah, Sungai Choh serta Bukit Beruntung. Keempat adalah Gugusan Industri Sokongan Pelabuhan dan Maritim yang dikenalpasti di Pelabuhan Klang, Pulau Indah, Telok Gong serta Sijangkang.

"Manakala, kelima pula Gugusan Industri Terpilih dan Industri Perkhidmatan bagi kawasan Telok Panglima Garang, Rawang, Kuang, Bernam Jaya serta Lembah Beringin. Semenara keenam ialah Gugusan

Atur pelbagai strategi

Sembilan gugusan mantapkan tiga sektor

Kerajaan Negeri mencadangkan sembilan gugusan utama bagi memastikan Selangor terus melangkah ke depan dalam bidang ekonomi, sosial dan alam sekitar.



Eko-Pelancongan bagi kawasan Kuala Selangor, Taman Negeri, Pesisiran Pantai Morib, dan Sungai Pelek," katanya.

Amirudin berkata, Kerajaan Negeri turut mengenalpasti Gugusan Perikanan dan Akuakultur di Kuala Selangor serta Sabak, sementara Gugusan Pertanian dan Industri Asas Tani bagi kawasan Tanjung Karang juga Sungai Air Tawar.

Sementara Gugusan Pendidikan meliputi kawasan Gombak, Serdang dan Hulu Langat juga

dikenalpasti serta yang terakhir Gugusan Ekonomi Bandar merangkumi 13 pusat pertumbuhan strategik.

"Melalui program Jelajah Maju Bersama, ia membolehkan saya dan pentadbiran memahami semua kawasan ini.

"Oleh itu, Kerajaan Negeri melalui pelbagai agensi pelaksana di bawahnya sedang mengatur strategi bagi memastikan Selangor terus ke hadapan baik dalam bidang ekonomi, sosial dan alam sekitar," katanya.

RM116.1 juta naik taraf jalan

KERAJAAN Selangor mencadangkan untuk memperuntukkan RM116.1 juta bagi kerja menaiktaraf jalan raya, sekitar negeri itu.

DATO' Menteri Besar, Amirudin Shari berkata, kerja naik taraf itu bagi memastikan jalan sedia ada dapat menampung peningkatan aliran trafik, sekali gus mengatasi masalah kesesakan, di jalan negeri.

Katanya, peruntukan RM10 juta akan disalurkan bagi kerja naik taraf di Jalan Telok Gong dari persimpangan Glenmarie Cove sehingga persimpangan Jalan Ikan Tenggiri.

"Sementara, anggaran peruntukan untuk kerja naik taraf Jalan Reko Paket 2 daerah Hulu Langat pula sebanyak RM12.3 juta.

"Kerajaan Negeri juga meluluskan peruntukan untuk melaksanakan kajian awalan beberapa projek naik taraf jalan membabit beberapa daerah dengan peruntukan RM25.49 juta.

"Ia diperuntukkan untuk kerja mening-




Kerja naik taraf itu bagi memastikan jalan sedia ada dapat menampung peningkatan aliran trafik, sekali gus mengatasi masalah kesesakan, di jalan negeri

AMIRUDIN SHARI
Dato' Menteri Besar

katkan aspek keselamatan jalan daerah, pemasangan lampu isyarat, lampu jalan serta pemberian cerun," katanya.

Pada masa sama, Amirudin berkata, sebanyak RM44 juta daripada RM60.1 juta diperuntukkan pada tahun 2019 untuk menampung kerja pembinaan jalan baru yang sedang berjalan.

Katanya, peruntukan RM8 juta pula bagi membina jalan menghubungkan Kampung Sri Indah A ke Jalan Hospital Sungai Buloh.



"Projek itu akan menjadi jalan alternatif bagi penduduk dari Kampung Sri Indah A untuk ke Hospital Sungai Buloh dan RM25 juta akan diperuntukkan untuk membina jalan dari Kampung Ulu Chuchoh ke KLIA.

"Sementara, itu, sebanyak RM11 juta pula untuk membina jalan sambungan

Sungai Kelambu dan Genting Sanyen," katanya.

Kerajaan Negeri turut memperuntukkan RM194 juta kepada Jabatan Kerja Raya bagi tahun 2019, manakala RM9.35 juta diperuntukkan bagi kerja membina jambatan dan jejantas.

Impi jadi 'Boston of Malaysia'



TIDAK mustahil Selangor akan menjadi 'Boston of Malaysia' apabila Kerajaan Negeri bakal memajukan gugusan pendidikan bagi kawasan Gombak, Sepang dan Hulu Langat.

DATO' Menteri Besar, Amirudin Shari berkata, ia ekoran wilayah terbabit mempunyai pusat pengajian dan puluhan ribu pelajar.

"Maka, sejumlah RM87.64 juta atau 6.8 peratus akan diperuntukkan untuk memperkasa aspek pendidikan. Hal ini kerana, Kerajaan Negeri mahu kluster pendidikan akan menjadi suatu pelantar yang menumpukan pemberdayaan golongan belia, kelompok akademik dan warga penyelidik.

"Kerajaan berhasrat supaya kumpulan ini akan memperoleh akses kepada pembelajaran dan penyelidikan sejarah dengan kehadiran industri serta jaminan pekerjaan," ka-

tanya.

Amirudin berkata, antara program yang bakal dilaksanakan adalah expo penyelidikan serta program penyelidikan dan pembangunan.

Katanya, program itu dijangka akan menghimpunkan hasil penyelidikan institusi pengajian tinggi yang terkandung melalui kluster pendidikan itu.

"Dalam masa tiga tahun, Kerajaan Negeri merancang untuk memastikan expo ini akan berkembang menjadi expo penyelidikan tersohor, di Asia Tenggara.

"Ia juga dijangka akan mempunyai kerjasama dengan institusi pengajian tinggi seperti Institut Teknologi Bandung dari Indonesia, Nanyang Institute of Technology (Singapura) dan Mahidol University (Thailand)," katanya.



Lonjak pertumbuhan ekonomi

Tekad bangun Selangor Maritime Gateway

Kerajaan Negeri bertekad melonjakkan lagi pertumbuhan ekonomi di bandar sepanjang Sungai Klang dan menjadikan kawasan itu sebagai 'Smart Central Economic Region'.

DATO' Menteri Besar, Amirudin Shari berkata, menerusi pembangunan pesisir sungai, Kerajaan Negeri meluluskan meluluskan Pelan Induk Pembangunan Sungai Klang dikenali sebagai Selangor Maritime Gateway (SMG), pada Mac lalu.

Katanya, Kerajaan Negeri turut melantik anak syarikat milik penuh Pemerbadanan

Menteri Besar Selangor iaitu Landasan Lumayan Sdn Bhd sebagai pelaksana projek.

"Kerajaan Negeri melihat Sungai Klang sejauh 120 kilometer yang mengalir melalui bandar utama di Selangor bermula di kawasan Ampang, Kuala Lumpur, Petaling Jaya, Subang Jaya, Shah Alam seterusnya Bandar DiRaja Klang.

"Ia adalah '*the engine of growth*' yang bukan sahaja menjadi penyumbang utama ekonomi kepada Selangor, malahan kepada Malaysia," katanya.

Terdahulu, projek SMG akan menjadikan konsep penjanaan semula bandar membabitkan industri perhotelan, perdagangan, pelancongan, peruma-

han serta industri perkhidmatan.

Ia akan meliputi keluasan kawasan kira-kira 55,612 hektar sepanjang pesisir Sungai Klang dan projek itu juga dapat meningkatkan tahap kebersihan kualiti air dalam lembangan serta rizab sungai sekurang-sekurangnya pada tahap kedua indeks kualiti air.

Erat hubungan antarabangsa, realisasi hab aeroangkasa

KERAJAAN Negeri melalui Invest Selangor Berhad terus giat menjalin kerjasama erat dengan pemain industri antarabangsa bagi merealisasikan hasrat mewujudkan hab aeroangkasa.

Dato' Menteri Besar, Amirudin Shari berkata, Kerajaan Negeri turut mengjurkan RM750 juta dapat dijana menerusi industri aeroangkasa sebaik kilang UMW di Serendah siap sepenuhnya.

"Belanjawan Persekutuan 2019 yang dibentangkan Menteri Kewangan, Lim Guan Eng, menyebut pihak Khazanah akan membangunkan tanah seluas 32.375 hektar di Subang sebagai hab aeroangkasa.

"Pembangunan ini pastinya menguntungkan rakyat Selangor, malahan selari dengan dasar Kerajaan Negeri yang berhasrat untuk menjadi tiga hab aeroangkasa terbaik dunia dalam usaha menarik pelaburan langsung asing (FDI)," katanya.

Amirudin berkata, pembangunan



Pembangunan di dalam industri itu pada masa akan datang akan didorong ekosistem padu yang sudah tersedia untuk dimanfaatkan penggiat aeroangkasa

AMIRUDIN SHARI
Dato' Menteri Besar

di dalam industri itu pada masa akan datang akan didorong ekosistem padu yang sudah tersedia untuk dimanfaatkan penggiat aeroangkasa.

Katanya, ia termasuk taman pengeluaran logam aeroangkasa di Serendah dan Subang Nexus serta Sepang, yang dikenali sebagai Aeropolis Lapangan Terbang Antarabangsa Kuala Lumpur.

**STRATEGI PERTAMA: MEMACU PEMBANGUNAN EKONOMI NEGERI
INDUSTRI AEROANGKASA**

80 EKAR TANAH DIBINA DI SUBANG SEBAGAI HAB AEROANGKASA

INVEST SELANGOR
THE GOURMET STATE OF MALAYSIA

KHAZANAH
NATIONAL

(3) HAB AEROANGKASA TERBAIK DUNIA

Komitid teruskan kecemerlangan Smart Selangor

SEBANYAK RM10 juta diperuntukkan buat Smart Selangor Delivery Unit untuk meneruskan kecemerlangan Smart Selangor, menjelang 2025.

Katanya, perkhidmatan menerusi aplikasi mobile dijangka akan memudahkan rakyat melalui peruntukan itu.

"Daripada jumlah itu, sebanyak RM1 juta digunakan untuk pengembangan sistem pembayaran parkir menerusi telefon bimbit Smart Selangor Parking (SSP).

"Kemudian sejumlah RM500,000 pula untuk pembangunan sistem 'Smart CCTV' bersama pihak Polis Di-Raja Malaysia (PDRM) untuk memantau keselamatan awam menggunakan

infrastruktur Bas Smart Selangor.

"Tidak ketinggalan, RM1 juta pula bagi projek 'Smart Selangor Bus Stop' dan projek 'Smart Streetlamp' dengan tiang lampu PBT akan dinaik taraf," katanya.

Amirudin berkata, semua pembangunan itu adalah asas penting yang harus dibangunkan untuk memastikan pertambahan produktiviti rakyat ke arah kehidupan lebih berkualiti.

"Iltizam Kerajaan Negeri untuk membangunkan Smart Selangor sejak 2016 sudah menunjukkan bibit kejayaan yang amat membanggakan dan wajar diteruskan, sehingga 2025," katanya.

RM1.5 juta jayakan SWAN

KERAJAAN Selangor bercadang memperuntukkan RM1.5 juta bagi membangunkan Selangor Wide Area Network (SWAN).

Dato' Menteri Besar, Amirudin Shari berkata, SWAN adalah jaringan jalur lebar berkelajuan tinggi gigabit untuk menghubungkan Pejabat Setiausaha Kerajaan Negeri (SUK) dengan semua agensi kerajaan lain.

Katanya, ia termasuk jabatan dan pejabat seperti Pejabat Tanah dan Daerah, Pihak Berkusa Tempatan (PBT) serta semua anak syarikat Kerajaan Negeri.

"SWAN membolehkan satu jaringan bersepadu bagi memenuhi keperluan rangkaian dan integrasi antara SUK dan agensi kerajaan serta PBT.

"Jaringan ini dijangka mempunyai

kelajuan dan kapasiti tinggi untuk memenuhi keperluan semua inisiatif Smart Selangor seperti '*open government*' untuk jangka masa lima hingga tujuh tahun hadapan," katanya.

Pada masa sama, Amirudin berkata, sebanyak RM1.5 juta diperuntukkan untuk pembangunan jaringan internet berkelajuan gigabit (atau satu gigabit setiap saat).

Katanya, pembangunan itu akan mengupayakan jaringan internet di semua ibu pejabat PBT yang mengupayakan wifi percuma berdasarkan model baru, di kawasan berhampiran.

"Sementara peruntukan RM1 juta pula akan diberi bagi tujuan analisa '*big data*' oleh Smart Selangor Delivery Unit," katanya.



Mantapkan 'Zero to Hero'

Tiga produk baharu HIJRAH

Sebanyak tiga produk baharu akan dirancang Yayasan Hijrah Selangor (HIJRAH) tahun depan bagi memantapkan lagi program 'Zero to Hero'.

DATO' MENTERI BESAR, Amirudin Shari berkata, tiga produk berkenaan itu membabitkan pinjaman bermusim, program inkubator dan program 'Smart Partnership'.

Katanya, pelaksanaan program itu memerlukan dana tambahan dan Kerajaan Negeri mencadangkan dana pinjaman sebanyak RM25 juta.

"Sejak penubuhannya, HIJRAH menerima dana pembiasaan RM186 juta daripada Kerajaan Negeri.

"Oleh kerana sambutan cukup menggalakkan, maka HIJRAH sedang merancang melaksanakan produk baharu, di samping memantapkan lagi



Pelaksanaan program itu memerlukan dana tambahan dan Kerajaan Negeri mencadangkan dana pinjaman sebanyak RM25 juta

AMIRUDIN SHARI
Dato' Menteri Besar

program 'Zero to Hero' ini," katanya.

Terdahulu, sebanyak RM31 juta digunakan untuk program 'Zero to Hero' berteraskan konsep pemantauan 'Mentor-Mentee'.



Katanya, sejumlah RM5 juta pula adalah peruntukan dana khas bagi melaksanakan program kepada golongan sasar orang kelainan upaya dan ibu tunggal.

Amirudin berkata, HIJRAH menyalurkan modal pinjaman kepada seramai 54,609 usahawan dengan nilai pinjaman berjumlah RM405.47 juta, pada suku ketiga tahun 2018.

"Daripada dana peruntukan RM185 juta, HIJRAH berjaya menyalurkan gandaan pinjaman kepada RM405.47 juta," katanya.

Pada masa sama, beliau berkata, HIJRAH berjaya menjana dana pusingan untuk menambah lagi jumlah pinjaman dan bilangan usahawan baru dengan kadar bayaran balik pinjaman melebihi 80 peratus.

Katanya, rekod prestasi juga menunjukkan 10,120 usahawan dengan pinjaman RM 188.55 juta berjaya dijana melalui pembiasaan modal pusingan pinjaman kali kedua dan ketiga.

Rumput HBG kurangkan kos makanan ternakan

KERAJAAN Negeri merancang untuk memulakan program penanaman rumput High Bio-Conversion Grass (HBG) bagi mengurangkan kos makanan ternakan.

Dato' Menteri Besar, Amirudin Shari berkata, HBG berkenaan adalah sejenis tumbuhan yang mempunyai kadar protein tinggi.

"Kos makanan ternakan boleh mencecah sehingga 75 peratus daripada keseluruhan kos. Jika program ini berjalan lancar, maka kos makanan ternakan ruminan khususnya boleh dikurangkan sehingga 30 peratus."

"Dengan penurunan kos makanan ternakan, diharapkan harga jualan daging ternakan dapat dikurangkan secara berperingkat," katanya.

Sementara itu, Amirudin berkata, Kerajaan Negeri melalui Jabatan Perkhidmatan Veterinar menyediakan peruntukan RM6.458 juta dan akan melaksanakan projek penternakan biri-biri pedaging atau program agrotek (ternakan) menggunakan baka 'Black Belly Barbadose' yang mempunyai tahap ketahanan rintangan penyakit yang tinggi selain mudah membiak.

Katanya, konsep pelaksanaan projek itu membabitkan ma-



Kos makanan ternakan boleh mencecah sehingga 75 peratus daripada keseluruhan kos. Jika program ini berjalan lancar, maka kos makanan ternakan ruminan khususnya boleh dikurangkan sehingga 30 peratus

AMIRUDIN SHARI
Dato' Menteri Besar

syarakat luar bandar yang berminat untuk membela kambing berkenaan dan mereka akan diwajahkan oleh mentor berkemahiran serta berpengalaman.

"Selain itu, program bagi meningkatkan pengeluaran daging atau sumber protein terus dikembangkan membabitkan ban-tuan berbentuk peralatan dan ternakan yang turut disediakan di bawah Pembangunan Komoditi Ternakan Ruminan, Pembangunan Komoditi Ternakan Unggas dan Bukan Unggas serta Pembangunan Industri Asas Ternak," katanya.

Untuk rekod, ketika ini negara kita mengimport kira-kira 20,000 tan metrik daging kambing sejuk beku atau 1.5 juta kambing, setiap tahun.

Daripada jumlah itu, 90 peratus adalah daging biri-biri manakala 10 peratus lagi daging kambing (*feral goat*) yang diimport, dari Australia.

pertanian tepat.

"Penggunaan jumlah air dan baja yang sedikit mengikut keperluan tanaman sebenarnya tetapi pada masa sama kualiti serta jumlah pengeluaran hasil adalah lebih tinggi," katanya.

Amirudin berkata, Kerajaan Negeri memulakan kaedah AR 4.0 di dalam projek penanaman fertigasi melon seperti 'golden melon' yang mempunyai nilai harga jualan tinggi.

Katanya, ia memberikan penumpuan kepada kaedah pertanian tepat bermula dari awal tanaman sehingga kepada tuai-an hasil.

"Melalui kaedah penanaman fertigasi terbabit, penggunaan air, elektrik dan baja dapat dijimatkan. Namun, ia tetap boleh menghasilkan produk segar berkualiti tinggi dan mengikut kehendak pasaran termasuk daripada segi saiz, keranggupan juga tahap kemalaman (brix)," katanya.

Terdahulu, sektor pertanian merekodkan nilai ditambah berjumlah RM3.99 bilion pada 2017, sekali gus meningkat berbanding RM3.52 bilion, pada tahun sebelumnya.

Lebih banyak kawasan Tanaman Berpenghasilan Tinggi

SEJUMLAH RM15.79 juta dicadang disalurkan kepada Jabatan Pertanian, manakala RM5.65 juta di bawah Unit Perancangan Ekonomi Negeri untuk pembangunan pertanian.

Dato' Menteri Besar, Amirudin Shari berkata, Kerajaan Negeri juga memfokuskan untuk membuka lebih banyak kawasan pertanian berteraskan konsep Tanaman Berpenghasilan Tinggi (high yield crop).

Katanya, ia dilaksanakan dengan mengoptimumkan kawasan kecil bagi penghasilan tinggi melalui penggunaan teknologi moden seterusnya meningkatkan pendapatan.

"Dasar ini juga selari dengan 'trend' pertanian ketika ini yang memfokuskan ke arah Revolusi Pertanian 4.0 (AR 4.0) iaitu penekanan diberikan kepada aplikasi inovasi teknologi pertanian seperti penggunaan peralatan berteknologi tinggi, sensori, robotik, GPS dan teknologi maklumat.

"Untuk merealisasikan hasil rat itu, RM800,000 disediakan untuk penggunaan teknologi serta penyelidikan dan pembangunan. Ia juga mengarah kepada penggunaan konsep





Program Air Percuma

B40 nikmati 25 meter padu

Golongan B40 berpeluang menikmati pemberian Program Air Percuma daripada 20 meter padu kepada 25 meter padu, sebulan.

Dato' Menteri Besar, Amirudin Shari berkata, peningkatan pemberian itu akan dilaksanakan selepas Kerajaan Negeri membuat penjajaran semula peruntukan program itu dan memberi fokus kepada golongan sasar.

Katanya, golongan B40 itu ditakrifkan sebagai mereka yang didaftarkan atau berada dalam data E-Kasih.

"Pada 2008, Kerajaan Negeri memberi air percuma 20 meter padu di bawah program Masyarakat Ekonomi Selangor.

"Program ini dicontohi Kerajaan Negeri lain kerana terbukti memberi impak positif kepada kehidupan rakyat.


"Pemberian air percuma

yang dilaksanakan sekarang dibерikan kepada semua lapisan masyarakat. Ini menunjukkan semua pihak menerima faedah hasil pemberian air percuma ini.

"Bagaimanapun, matlamat asal program air percuma ini adalah untuk membantu mengurangkan beban rakyat khususnya golongan berpendapatan rendah," katanya.

Sehubungan itu, Amirudin berkata, Kerajaan Negeri yakin golongan B40 lebih berkeperluan dan lebih menghargai bantuan air percuma.

"Mereka akan mendapat lebih manfaat daripada penjajaran semula air percuma nanti. Harapan Kerajaan Negeri supaya penjajaran ini bukan sa-



haja membantu mereka dalam kehidupan sehari-hari tetapi membantu meringankan beban belanja bulanan dengan lebih berkesan," katanya.

Amirudin berkata, sebanyak RM80 juta diperuntukkan dengan penjimatannya sebanyak RM105.2 juta selepas penjajaran dilakukan itu.

"Penjimatannya akan dapat dikembalikan kepada rakyat melalui program pembangunan dan mensejahteraan rakyat," katanya.

RM50 juta untuk KISS



Kerajaan Negeri akan meneruskan program Kasih Ibu Smart Selangor (KISS) dengan peruntukan RM50 juta, pada tahun depan.

Dato' Menteri Besar, Amirudin Shari berkata, KISS adalah program di bawah Inisiatif Peduli Rakyat (IPR)

yang mendapat sambutan luar biasa dalam kalangan rakyat dengan memberi manfaat kepada 40,000 ibu, di seluruh negeri.

"Mulai tahun depan, agenda 'empowerment' dimaksudkan adalah penerima berpeluang

terpilih sebagai peserta 'Work From Home' (WFH) iaitu program pemberdayaan wanita oleh Kerajaan Negeri dengan kerjasama positif syarikat swasta dalam memberi kemahiran sehingga peserta mampu menjana pendapatan.

"Pembabitan proaktif 56 Pusat Wanita Berdaya di seluruh Selangor turut sama ditarikhkan dalam mengenal pasti penerima KISS berpotensi untuk menjadi peserta WFH," katanya.

Beliau berkata, peserta WFH seterusnya mempunyai peluang menceburkan diri bagi memulakan perniagaan melalui permohonan IPR seterusnya Hijrah Selangor hasil daripada kemahiran dan nilai tambah yang di-

berikan.

"Pembaharuan melalui 'empowerment' terutama kepada golongan B40 diharap memberi ruang dan peluang kepada penerima supaya mampu berdikari menjana pendapatan keluarga serta keluar daripada kepompong kemiskinan dihadapi selain sama menyumbang secara proaktif dalam membangunkan negeri.

"Penerima KISS kemudian akan diberdaya dan diberi kemahiran untuk menjana pendapatan adalah contoh konsep 'Gift to Empowerment' dirancang Kerajaan Negeri," katanya.

Sementara itu, bagi Tabung Amanah Warisan Anak Selangor (TAWAS) pula, Amirudin berkata, Kerajaan Negeri akan memperuntukkan RM25 juta untuk manfaat penerimanya, pada tahun depan.

Katanya, program itu melalui

proses pembaharuan dengan Hadiah Anak Masuk Universiti atau Hadiah Institusi Pengajian Tinggi (IPT) yang memberi manfaat secara langsung kepada remaja berusia 18 tahun.

"Ia dapat digunakan untuk memenuhi keperluan melanjutkan pelajaran ke IPT, namun permohonan tidak lagi dibuka kepada bayi yang baru lahir.

"Kerajaan Negeri melihat penjajaran ini perlu memandangkan graduan kini lebih memerlukan bantuan kewangan bagi memenuhi kelengkapan, di peringkat pendidikan tinggi," katanya.

Beliau berkata, Kerajaan Negeri akan berbincang dengan Permodalan Nasional Berhad bagi meneruskan dana tabu-angan permulaan bagi bayi baharu lahir menerusi program Amanah Dana Anak Malaysia 2050 (ADAM50) di bawah kendalian Amanah Saham Nasional Berhad.

Terus jaya Skim Peduli Sihat

KERAJAAN Negeri akan meneruskan Skim Peduli Sihat yang terbukti memberi impak positif kepada kehidupan rakyat.

Dato' Menteri Besar, Amirudin Shari berkata, program di bawah agenda Inisiatif Peduli Rakyat (IPR) terbabit jelas mendapat perhatian dan diterapkan dalam Manifesto Pakatan Harapan, pada Pilihan Raya Umum ke-14.

"Selaras dengan dasar federalisme dilaksanakan, maka pemurnian senarai penerima kad peduli sihat dengan kerjas-

ma Lembaga Hasil Dalam Negeri akan dilaksanakan.

"Ia sebagai usaha mengesahkan kelayakan penerima supaya Skim Peduli Sihat dapat diteruskan dengan memberi manfaat kepada keluarga yang benar-benar berkelayakan menerimanya. Kerajaan Negeri memperuntukkan RM10 juta bagi skim ini, pada tahun depan," katanya.

Sementara itu, Kerajaan Negeri bercadang melaksanakan kursus perkahwinan serta kekeluargaan lebih komprehensif

merangkumi isu pengurusan kewangan, emosi dan spiritual, penjagaan anak juga pengurusan keluarga.

Katanya, langkah itu dirancang ekoran Selangor mencatat jumlah kes penceraian yang sangat membimbangkan.

"Kursus dan program pembangunan kekeluargaan akan menggantikan Insentif Perkahwinan Belia dan Kerajaan Negeri bakal menggunakan peruntukan bagi insentif berkenaan dalam usaha melaksanakan kur-



sus kekeluargaan komprehensif kepada pasangan baharu berkahwin," katanya.

Selain itu, beliau berkata, program pemantapan institusi kekeluargaan dengan kerjasama

agensi lain seperti Lembaga Penduduk dan Pembangunan Keluarga Negara adalah bagi mengukuhkan modul serta kursus perkahwinan dan kekeluargaan sedia ada.

5 TERAS

Strategi Belanjawan 2019



Belanjawan Selangor 2019

#MajuBersama



Anggaran Perbelanjaan RM 2.56 Bilion

Belanja Mengurus RM 1.28 Bilion (50%)

Belanja Pembangunan RM 1.28 Bilion (50%)

Strategi 1

MEMACU PEMBANGUNAN EKONOMI NEGERI

UTARA SELANGOR
Eco Tourism
• Sabak Bernam
• Kuala Selangor
• Hulu Selangor


AEROPOLIS & AEROANGKASA
• Lapangan Terbang Antarabangsa Kuala Lumpur
• Lapangan Terbang Sultan Abdul Aziz Shah

TERPILIH & INDUSTRI PERKHIDMATAN
• Bernam Jaya
• Kuang
• Lembah Beringin
• Telok Panglima Garang

Perikanan & Akaukultur
• Sabak Bernam
• Kuala Selangor

Pertanian & Industri Asas Tani
• Sabak Bernam

TEKNOLOGI TINGGI & SCIENCE PARK
• Shah Alam
• Subang Jaya
• Puchong
• Cyberjaya



PEMBANGUNAN JALAN RAYA
RM 194 JUTA

PENDIDIKAN
RM 9.35 JUTA

ECO-TOURISM
RM 5.15 JUTA

PENJAJARAN IPR : DARI PEMBERIAN KEPADA PEMBERDAYAAN



PERUNTUKAN RM 5C JUTA UNTUK 2019
KISS (KAMI SAMA SAMA SELANGOR)
PENERIMA 40,000 OFANG

PROGRAM AIR PERCUMA

FOKUS KEPADA GOLONGAN
PENJIMATAN RM 105.2 JUTA

PERUNTUKAN 2019, RM 80 JUTA

SKIM PEDU-I SIHAT
RM 10 JUTA

INSENTIF PERKAHWINAN BELIA
KURSUS PERKAHWINAN DAN KEKELUARGAAN

- ISU PENGURUSAN KEWANGAN
- EMOSI DAN SPIRITUAL
- PENJAGAAN ANAK
- PENGURUSAN KELUARGA

Strategi 2

AGENDA PENCERAHAN SELANGOR & PEMBANGUNAN SENI - BUDAYA

MASTERPLAN PEMBANGUNAN SENI & BUDAYA SELANGOR
AGENDA PENCERAHAN SELANGOR

KEBUDAYAAN

FESTIVAL ALAM MELAYU NEGERI SELANGOR
RM 1.5 JUTA TAHUN 2019

RENTAK SELANGOR INTERNATIONAL FESTIVAL

Strategi 4

MELESTARIKAN ALAM SEKITAR

PERBANDARAN HIJAU (PROGRAM HIJAU POKOK)
PERUNTUKAN RM 2.5 JUTA

SISA PEPEJAL KEPADA TENAGA (WASTE TO ENERGY)

KAEDAH PELEUPUSAN SISA PEPEJAL
WASTE TO ENERGY (WTE)
MEMPROSES SISA PEPEJAL DAN MENUKARNYA KEPADA HABA, STIM SERTA TENAGA ELEKTRIK

RM 500 JUTA KOS PEMBANGUNAN PROJEK
RM 40 JUTA KOS PENGAMBILAN BALIK TANAH

LOW CARBON CITY
PERINTISASI KERADA, MULAIKAN PERLUASAN LATUJUH PROGRAM IMPARAKAN DAN PELAKUKAN KEGIATAN

PENGELAKAN SPESIES NICHE

NEGERI PINTAR DAN BERSAMA RAKYAT
BLUEPRINT/PILAR TINDAKAN TEKNOLOGI HUJU MUSIM SELANGOR: 2018-2022

RM 400,000 2019

1.3 JUTA 2019

1.42 JUTA 2019

KAJAN BERKURANG RANGKU DAN DILAKUKAN SELANGOR 2019

Strategi 3

RAKYAT BAHAGIA NEGERI SEJAHTERA

PEMBANGUNAN RUMAH SELANGOR

28,839 UNIT SELANGORISHA, 2779 UNIT TELAH DISETARAK HUKU

2,388 DALAM PERBAIKAN YANG DIJALUA

SAF PADA AWAL 2025

SKIM GURU-KAHARU
RM 600 JUTA

SKIM CERIA
RM 10 JUTA PADA TAHUN

PERUNTUKAN SESEKAR
RM 89.2 JUTA

PERUNTUKAN 2019
RM 47.56 JUTA

PROJEK TEBATAN BANJIR DAN SALIRAN (JPS)
RM 22.59 JUTA

MENINGKATKAN KECEPATAN TADBIR URUS
RM 2.5 JUTA

PERUMIAR HASIL NEGERI
RM 1 JUTA

PERKASA KEMUDAHAN & PENGANGKUTAN AWAM
RM 2 JUTA

PASAR MODEN
RM 1 JUTA

PROJEK TEBATAN BANJIR SG BULOH (FASA 1)
RM 50 JUTA

PROJEK TEBATAN BANJIR SG LANGAT (FASA 1)
RM 40 JUTA

PROJEK TEBATAN BANJIR LEMBANG SG LABU (FASA 1)
RM 37.3 JUTA

PERKASA KEMUDAHAN & PENGANGKUTAN AWAM
RM 30 JUTA

PEMANTAPAN KEMAJUAN ISLAM
RM 2.5 JUTA

PROGRAM PERANTIS TAHFIZ TWT
RM 500 JUTA

PROGRAM FAST TRACK TAHFIZ SPM
RM 1.94 JUTA

KONVENSYEN MAHASISWA SELANGOR TIMUR TENGAH
RM 300,000

AGEING POPULATION

OKU
MAJLIS TINDAKAN ORU SELANGOR RM 270,000

RAKYAT BAHAGIA NEGERI SEJAHTERA
RM 10 JUTA

KESIHATAN
RM 21 JUTA

BANTUAN KHAS BANTUAN SHAT SELANGOR
RM 5 JUTA

DATA HERBALISASI DAN PENGETAHUAN SAKT
RM 2 JUTA

MENTAL HEALTH
RM 3 JUTA

SATU BULAN GAJI
RM 34.53 JUTA

Strategi 5

PERUMAHAN

PERUMAHAN RAKYAT SELANGOR
RM 1 JUTA

RENT TO OWN (ETO)
100%

FOR RENT
RM 50 JUTA

KADAR SEWAAN SARPDIA RM 450
REBULAN SEHINGGA RM 650 REBULAN

#Selangor19

BANTUAN KHAS

KEWANGAN PENJAWAT AWAM

DIBAYAR PADA

20 DISEMBER 2018



'Shah Alam Dialogue'

Ruang tokoh lontar pemikiran

Sejumlah RM1 juta diperuntukkan untuk menjayakan program 'Shah Alam Dialogue' sebagai ruang kepada tokoh bertaraf antarabangsa menyampaikan pandangan dan pemikiran mereka.

DATO' Menteri Besar, Amirudin Shari berkata, ia bukan sahaja menjadi landasan kepada ahli akademik dan intelektual tetapi masyarakat di Selangor mendapatkan analisa terkini bersifat serantau serta global.

"Selari dengan matlamat menjadikan gerbang serantau dalam bidang ekonomi, maka Selangor perlu menjadi pemain utama yang mencorakkan wacana kontemporari berhubung isu strategik seperti keselamatan, pemanasan global, alam sekitar dan teknologi," katanya.

Pada masa sama, katanya, Kerajaan Negeri turut mencadangkan RM1 juta untuk pengajuran Selangor Modest Fashion Week ekoran perkembangan komersial fesyen santun yang rancak, di Shah Alam dan Bandar Baru Bangi.

Berdasarkan laporan State of The Global Islamic Economy 2017-2018 oleh Thomson Reuters, perbelanjaan untuk busana santun (*modest fashion*) dijangka mencapai RM1 trilion, pada 2022.

"Justeru, saya mencadangkan pengajuran Selangor Modest Fashion Week supaya potensi bidang ini dapat ditonjolkan dengan lebih optimum," katanya.



Tubuh Shah Alam Modern Arts

KERAJAAN Negeri bercadang memperuntukkan RM2.5 juta bagi menubuhkan Shah Alam Modern Arts (SAMA), dalam jangka masa lima tahun.

Dato' Menteri Besar, Amirudin Shari berkata, ia diperuntukkan sebagai dana tunas untuk pembentukan 'masterplan' pembangunan seni dan budaya Selangor.

Katanya, ia ekoran Selangor se-

ring menjadi negeri tumpuan seniman dalam pelbagai bidang untuk berkarya dan menghasilkan produk seni mereka.

"Sudah tiba masanya Kerajaan Negeri mempunyai 'masterplan' yang komprehensif berkenaan seni dan kebudayaan supaya potensi sedia ada ini dapat menyumbang kepada pembangunan negeri yang lebih holistik."

"Selangor juga adalah pusat perkembangan seni halus (*fine arts*) di Malaysia dengan memiliki banyak studio lukisan, galeri dan fakulti seni lukis terutama, di Shah Alam.

"Kelebihan ini perlu digarap supaya Selangor dapat memposisikan kedudukannya sebagai sebuah pusat seni kontemporari utama, di Asia Tenggara," katanya.

RM1 juta bangunkan seni dan budaya



SEJUMLAH RM1 juta diperuntukkan Kerajaan Negeri untuk melaksanakan Agenda Pencerahan Selangor, pada tahun depan.

Dato' Menteri Besar, Amirudin Shari berkata, agenda itu terdiri daripada Inisiatif Buku Darul Ehsan dan meneruskan projek audio, di negeri itu.

"Pembangunan sesebuah negeri tidak akan lengkap tanpa mempunyai agenda yang dapat meningkatkan kefahaman rak-

yat dan meluaskan wawasan intelektual mereka.

"Oleh itu, sebanyak 22 buku penting pelbagai bahasa diterjemah ke dalam Bahasa Melayu.

"Manakala 15 buku yang sudah diaudiokan termasuk buku klasik Melayu seperti *Hikayat Abdullah* yang dibacakan bariisan artis terkenal tanah air seperti pelakon Wan Hanafi Su dan *Hikayat Melayu* oleh M Nasir," katanya.

Martabat seni kebudayaan seiring modenisasi

KERAJAAN Negeri memperuntukkan RM1.5 juta melalui Belanjawan Selangor 2019 demi memartabat dan merancakkan lagi seni kebudayaan, di Selangor.

Dato' Menteri Besar, Amirudin Shari berkata, pemerkasaan program seni kebudayaan berteraskan elemen tradisi dan warisan amat wajar disemarakkan seiring arus teknologi dan modenisasi, pada masa kini.

"Oleh itu, saya mencadangkan RM1.5 juta diperuntukkan pada 2019 supaya Festival Alam Melayu Selangor dan Rentak Selangor International Festival diadakan.

"Ia sebagai salah satu usaha berterusan Kerajaan Negeri dalam memartabatkan serta merancakkan seni kebudayaan, di negeri ini," katanya.





Tekad teraju usaha melestarikan alam sekitar

RM5.6 juta lindungi hutan

STRATEGI KEEMPAT

MELESTARIKAN ALAM SEKITAR

RM
5.6
JUTA

PERUNTUKAN KEPADA JABATAN PERHUTANAN UNTUK PROGRAM PEMBANGUNAN DAN PERLINDUNGAN HUTAN



RM5.6 juta diperuntukkan kepada Jabatan Perhutanan untuk program pembangunan dan perlindungan hutan menerusi Belanjawan Selangor 2019.

Dato' Menteri Besar, Amirudin Shari berkata, kawasan hutan mempunyai estetika tidak ternilai yang kaya dengan flora fauna serta panorama indah sebagai daya tarikan utama des-

tinasi pelancong tempatan juga luar negara.

"Kerajaan Negeri bertekad menerajui usaha melestarikan alam sekitar dan memelihara alam semula jadi daripada menjadi mangsa pembangunan pesat.

"Teknologi semakin maju dan era Revolusi Perindustrian 4.0 menjadi pemangkin kepada usaha melestarikan alam sekitar demi memelihara ekosistem negeri serta masa depan lebih selesa," katanya.

Pada masa sama, katanya, Selangor turut memberi jaminan mengekalkan keluasan kawasan hutan sekurang-kurangnya 30 peratus daripada keluasan negeri.

Beliau berkata, ia berjaya diperolehi apabila Selangor memiliki keluasan hutan 31.5 peratus atau 250,129 hektar daripada keseluruhan keluasan negeri, sehingga kini.

"Ahli ekologi terkenal dari Kanada, Pierre Dansereau, yang dijuluki Bapa Ekologi pernah mengungkapkan "perancangan untuk memulihkan semula alam sekitar dan dunia adalah kini tugas terpenting manusia, malah ia boleh menjadi penentu kelangsungan kehidupan kita," katanya.

Laksana pelupusan sisa pepejal berteknologi tinggi

WORLDWIDE HOLDINGS

KERAJAAN Negeri melalui anak syarikatnya, Worldwide Holdings Berhad (WHB), akan melaksanakan kerja pembangunan sistem pelupusan dan rawatan sisa pepejal menyeluruh menggunakan teknologi Waste To Energy (WTE).

Dato' Menteri Besar, Amirudin Shari berkata, teknologi itu akan memproses sisa pepejal dan menukarannya kepada haba, stim serta tenaga elektrik, di Jeram, Kuala Selangor.

Katanya, kos pembangunan projek RM500 juta akan dibayai WHB dan Kerajaan Negeri menyediakan peruntukan RM40 juta bagi tujuan pengambilan tanah.

"Sudah tiba masanya, Selangor beralih daripada cara konvensional dalam melupuskan sisa pepejal kepada satu sistem pengrusan pelupusan menggunakan teknologi tinggi ekoran peningkatan keperluan kepada tapak pelupusan untuk melupuskan sampah.

"Peningkatan ini selaras pertambahan penduduk dan aktiviti masyarakat, ditambah dengan gaya hidup generasi baharu yang sangat terdedah kepada penggunaan sisa pepejal seperti plastik, logam, sisa bahan makanan, bahan binaan dan landskap.

"Bagi tujuan ini, Kerajaan Negeri akan terus meneroka kaedah atau teknologi tinggi yang memberi kesan positif dalam memastikan isu sisa pepejal di Selangor dapat di selesaikan dengan kaedah kerjasama pihak

STRATEGI KEEMPAT
SISA PEPEJAL KEPADA TENAGA (WASTE TO ENERGY)

WASTE TO ENERGY

KAEDAH PELUPUSAN SISA PEPEJAL

WASTE TO ENERGY (WTE)

MEMPROSES SISA PEPEJAL DAN MENUKARNYA KEPADA HABA, STIM SERTA TENAGA ELEKTRIK

RM
500 JUTA
KOS PEMBANGUNAN PROJEK

RM
40 JUTA
KOS PENGAMBILAN BALIK TANAH

swasta secara 'Public Private Partnership,'" katanya.

Pada masa sama, Amirudin berkata, kaedah pelupusan sisa pepejal yang diamalkan sekarang tidak lagi lestari dan relevan untuk diteruskan, pada masa akan datang.

Katanya, ia bukan sahaja memberi kesan kepada alam sekitar, malahan

apa yang penting ialah isu kekurangan tanah untuk digunakan sebagai tapak pelupusan serta kos pengawasan juga penyelenggaraan tapak pelupusan untuk tempoh lama, selepas ia ditutup.

"Penjanaan tenaga melalui WTE kini dilihat semakin penting untuk menjadikan sisa pepejal sebagai salah satu sumber bahan api mampan dan strate-

gi pelaburan tenaga diperbaharui yang berpotensi khususnya, di Selangor.

"Sangat merugikan jika Selangor terus menggunakan kaedah sedia ada untuk melupuskan sisa pepejal sedangkan jika menggunakan kaedah WTE, maka tapak kawasan itu kelak boleh digunakan semula bagi tujuan pembangunan lain dengan lebih cepat," katanya.



Laksana kajian pembangunan bandar dan desa

Peruntuk RM1.42 juta

Sejumlah RM1.42 juta dicadang bagi peruntukan melaksanakan kajian pembangunan bandar dan desa melalui Kajian Rebakan Bandar Selangor, pada 2019.

DATO' Menteri Besar, Amirudin Shari berkata, kajian itu bertujuan mengenal pasti had pembangunan rebakan bandar (*urban sprawl*) dan tren pembangunan fizikal yang akan memacu kualiti serta imej perancangan bandar Selangor.

"Kerajaan Negeri sangat prihatin dalam memastikan persekitaran mampam dan kehidupan komuniti sejahtera supaya isu daya huni bandar ditangani."

"Oleh itu, amat perlu mengawal keseimbangan pembangunan untuk mengelakkan pencerobohan kawasan sensitif alam sekitar, kawasan tadahan semula jadi dan kawasan pertanian utama, di Selangor," katanya.

Katanya, Kerajaan Negeri turut menekan dan menitik beratkan usaha pemeliharaan juga pemuliharaan warisan, sama ada dalam bentuk geologi semula jadi, adat budaya juga bangunan lama dalam melaksanakan pemajuan serta pembangunan fizikal pesat.

Amirudin berkata, RM1.3 juta diperuntukkan di bawah myPlan Malaysia untuk meneruskan lagi usaha mempromosi Permatang Kuarza bagi mendapat pengiktiran UNESCO dalam kategori warisan semula jadi sebagai tapak warisan kebangsaan dan tapak warisan dunia.

"Kerajaan Negeri akan membuat publisiti berimpak tinggi bagi mengangkat pencalonan tapak Permatang Kuarza, Gombak, kepada pihak World Heritage Committee baik di dalam atau luar negara menerusi multimedia, dokumentari dan penyertaan pa-



meran, di persidangan antarabangsa.

"Warisan bernilai seperti ini harus dikenalkan dan dirancang secara holistik tanpa ada unsur pencerobohan yang boleh menggugat serta menghilangkan warisan yang terbentuk, jutaan tahun dahulu."

"Kerajaan Negeri berharap dengan kepelbagaiannya biologi dan geologi di kawasan berkenaan, maka ia dapat dijadikan rujukan pengkaji dalam bidang berkaitan serta terus unggul sebagai legasi kepada generasi akan datang," katanya.

Pada masa sama, katanya, Kerajaan Negeri tidak akan mengenepikan dan membuat pengenalpastian ke atas tapak warisan lain untuk diberi pengiktirafan serta diperingkatkan iaitu Bukit Malawati juga Taman Rimba Templer sebagai Tapak Warisan Kebangsaan.



Pelihara dan pulihara biodiversiti unik



RM 400,000
2019

USAHA MENINGKATKAN **KESEDARAN**
MENGALAKKAN SIKAP **MENYAYANGI**
MELINDUNGI SUMBER **BIODIVERSITI** NEGARA

PROGRAM PENDIDIKAN BIODIVERSITI

PAMERAN PENERBITAN BAHAN CETAK SERTA CERAMAH KESEDARAN

PELAKSANAAN HARI TAPIR PERINGKAT NEGERI SELANGOR

KERAJAAN Negeri bercadang memperuntukkan RM5.65 juta bagi melaksanakan kepelbagaiannya biodiversiti unik di Selangor untuk memastikan ia terus dipelihara dan dipulihara.

Dato' Menteri Besar, Amirudin Shari berkata, RM2.5 juta diperuntukkan bagi usaha memupuk kesedaran terhadap kepentingan menjaga alam sekitar, kesan perubahan iklim serta pemanasan bumi dengan memfokuskan Pelaksanaan Tanam Pokok Dalam Bandar juga Pengindahan Lanskap.

"Manakala, peruntukan RM3.15 juta bagi tujuan pemuliharaan alam sekitar ke atas bekas tapak pelupusan sisa pepejal," katanya.

Sementara itu, katanya, Kerajaan Negeri turut memperuntukkan RM400,000 untuk melindungi sumber biodiversiti negara melalui aktiviti seperti program pendidikan biodiversiti, pameran penerbitan bahan cetak serta ceramah kesedaran.

Katanya, pelaksanaan Hari Tapir Peringkat Selangor yang diadakan setiap tahun juga adalah inisiatif Kerajaan Negeri dalam usaha mempertingkatkan kesedaran yang dimulai di peringkat sekolah.



Reka bentuk berdasarkan budaya

Bina Masjid Cina Muslim pertama

Kerajaan Negeri memperuntukkan RM2.5 juta bagi membina Masjid Cina Muslim di Bandar Baru Klang melalui Belanjawan Selangor 2019.

DATO' MENTERI BESAR, Amirudin Shari berkata, masjid bercirikan reka bentuk dan budaya komuniti Cina itu pertama dibina di Selangor dan keempat di Malaysia, selepas Kelantan, Ipoh dan Melaka.

"Kerajaan Negeri turut mengumumkan cadangan peruntukan RM500,000 bagi kerja reka bentuk dan kajian masjid baru, Masjid Al Amanah, di Gombak," katanya.

Beliau berkata, belanjawan bertemakan 'Merancakkan Ekonomi, Memberdayakan Rakyat dan Mensejahterakan Negeri' itu turut mengambil kira kebijakan pengurusan masjid.


"Pentadbiran secara Jawatan-kuasa Pengurusan membolehkan masjid diselia dengan lebih baik kerana pegawainya digajikan sebagai penjawat awam.

"Pada 2019, Kerajaan Negeri berhasrat menambah pelantikan pengurusan masjid terdiri daripada pengurus gred 41, penolong pengurus gred 29 dan dua pembantu pengurus gred 19 secara '*contract of service*' untuk tambahan 10 masjid kariah terpilih dengan peruntukan RM1 juta," katanya.



Gambar hiasan ihsan internet

RM16.6 juta untuk Tabung Kumpulan Wang Biasiswa Selangor



TABUNG KUMPULAN WANG BIASISWA NEGERI SELANGOR bakal menerima peruntukan RM16.6 juta daripada Kerajaan Negeri, pada 2019.

Dato' Menteri Besar, Amirudin Shari berkata, biasiswa itu adalah Biasiswa Sagong Tasi, Biasiswa DYMM Sultan Selangor (Sekolah Alam Shah, Putrajaya) dan Biasiswa Menteri Besar.

"Pada 2019, sebanyak RM16.6 juta disediakan dengan cadangan pemurnian dasar dan penajaran program pendidikan, di bawah Tabung Kumpulan Wang Biasiswa Negeri Selangor," katanya.

Amirudin berkata, peruntukan turut disediakan bagi membantai Program Peduli Siswa Dalam Negara (IPTA/IPTS), Program Khas Kakitangan Awam, Program Khas Selangor Brain Bank (ijazah sarjana muda sehingga Phd) dan Program Khas Peduli Siswa Luar Negara.



Pembinaan Rumah Selangorku mencapai sasaran awal 15,000 unit seperti ditetapkan menjelang 2018 dengan kerjasama pihak swasta.

DATO' Menteri Besar, Amirudin Shari berkata, sebanyak 28,639 unit dibina sehingga 31 Ogos lalu dengan 3,770 unit daripadanya sudah diserah kunci.

Katanya, Kerajaan Negeri percaya permasalahan rumah mampu milik dapat diatasi dengan lebih banyak pembinaan Rumah Selangorku dilaksanakan.

"Proses penawaran sudah dibuat terhadap 24,869 unit



60 peratus daripada baki 75,991 unit berada di peringkat Kebenaran Merancang, manakala 40 peratus lagi, di peringkat Pelan Bangunan. Pemantauan berkala dibuat bagi memastikan pemaju mematuhi dan mendahului pembinaan Rumah Selangorku terlaksana

AMIRUDIN SHARI
Dato' Menteri Besar



STRATEGI KELIMA: RAKYAT BAHAGIA NEGERI SEJAHTERA PEMBANGUNAN RUMAH SELANGORKU



28,639 UNIT TELAH DIBINA, 3770 UNIT TELAH DISERAH KUNCI

24,869 DALAM PEMBINAAN YANG DIJANGKA SIAP PADA AWAL 2025

yang masih dalam pembinaan dan dijangka siap, pada awal 2025. 60 peratus daripada baki 75,991 unit berada di peringkat Kebenaran Merancang,

manakala 40 peratus lagi, di peringkat Pelan Bangunan.

"Pemantauan berkala dibuat bagi memastikan pemaju mematuhi dan mendahului pembinaan

Rumah Selangorku terlaksana," katanya.

Pada masa sama, katanya, Kerajaan Negeri tidak teragak-agak membatalkan kelulusan

yang diberi jika pemaju tidak memberikan kerjasama walaupun rundingan dibuat selama 18 bulan, selepas kelulusan diberi.



STRATEGI KELIMA: RAKYAT BAHAGIA NEGERI SEJAHTERA MENINGKATKAN KECEKAPAN TADBIR URUS

PEMANTAPAN KEMAJUAN ISLAM

PROGRAM PERANTIS TAHFIZ TVET

HULU LANGAT, GOMBAK,
PETALING, KLANG

100 PELAJAR

PROGRAM FAST TRACK TAHFIZ SPM

RM 1.94 JUTA

KONVENSYEN MAHASISWA SELANGOR TIMUR TENGAH

RM 300,000

RM1.94 juta untuk 'Fast Track' SPM tahfiz

mendapat sambutan menggalakkan dan perlu dikembangkan, maka Kerajaan Negeri memperuntukkan RM1.94 juta kepada Jabatan Agama Islam Selangor (JAIS) untuk meneruskan pelaksanaan program 'Fast Track' SPM pelajar tahfiz persendirian dengan memanfaatkan fasiliti sedia ada, di sekolah JAIS," katanya.

Selain itu Kerajaan Negeri turut memperuntukkan RM300,000 bagi menganjurkan Konvensyen Mahasiswa Selangor Timur Tengah.

"Ia adalah forum untuk mengangkat kewibawaan anak Selangor dalam berorganisasi serta menjadi medium pembitaraan penting untuk mahasiswa melalui perkongsian ilmu dan maklumat perkembangan tanah air.

"Selain itu, Kerajaan Negeri melalui JAIS turut berharap bekerjasama dengan MARA

dalam menyediakan program kecekapan Pendidikan dan Latihan Teknikal dan Vokasional (TVET) secara formal untuk pelajar tahfiz.

Amirudin berkata, program itu dilaksanakan bagi menyediakan golongan berkenaan dengan kemahiran tertentu supaya lebih kompetitif, berpeluang memiliki pekerjaan dan pendapatan lumayan serta dapat menikmati taraf hidup lebih baik.

"Perkara ini juga sebagai tambahan kepada kebolehan mereka dalam menghafal al-Quran, sekali gus mempunyai kemahiran dalam bidang TVET.

"Program dikenali dengan nama Perantis Tahfiz TVET yang akan dilaksanakan secara projek perintis di empat daerah terpilih iaitu Hulu Langat, Petaling, Klang dan Gombak yang menyasarkan 100 pelajar tahfiz tulen untuk diberikan kemahiran," katanya.

SELANGOR KINI SIDANG PENGARANG

PENASIHAT: Lembaga Editorial CCSB

PENGARANG : Nurul Farina Nazlan

PENOLONG PENGARANG Mohd Ezli Mashut, Naeem Raffi, Afeeqa Afeera
WARTAWAN:

Hafizan Taib : hapizantaib@mediaselangor.com,
Nazli Ibrahim : nazli@mediaselangor.com,
Afix Redzuan : syafiq@mediaselangor.com,
Norhayati Umor : hayati@mediaselangor.com,
Sheeda Fathil : sheeda@mediaselangor.com
Nadiyah Zamlus : sitinadiyah@mediaselangor.com
Zareef Muzammil : zareefmuzammil@mediaselangor.com

JABATAN PEMASARAN & PENGIKLANAN:

Nadrah Azlan : nadrah@mediaselangor.com | 03-5523 4856 (ext 109)
Shafiq Hamzi : Shafiqhamzi@mediaselangor.com | 03-5523 4856 (ext 109)

JURUGAMBAR: Asri Sapie, Raheemie Arifin, Hafiz Othman & Fikri Yusof

GRAFIK & REKA LETAK: Unit Grafik CCSB

Aras 2, Carlton Holiday Hotel & Suites, No 1, Persiaran, Akuatik 13/43,
Seksyen 13, 40100, Shah Alam, Selangor

Tel : 03-5523 4856 Faks : 03-5523 5856 Emel: info@mediaselangor.com

KERAJAAN Negeri memperuntukkan RM1.94 juta bagi melaksanakan program tuisyen untuk pelajar tahfiz yang bakal menduduki peperiksaan Sijil Pelajaran Malaysia (SPM).

DATO' Menteri Besar, Amirudin Shari berkata, program 'fast track' SPM itu mampu membantu pelajar tahfiz yang tidak mengikuti aliran akademik seperti di sekolah kebangsaan.

"Kerajaan Negeri tertarik dengan inisiatif Universiti Selangor yang sudah beberapa tahun melaksanakan program tuisyen SPM khas untuk pelajar tahfiz yang tidak mengikuti aliran akademik.

"Oleh kerana program ini



Skim Ceria diteruskan

Tanggung sepenuhnya baik pulih pangsapuri

Kerajaan Negeri mencadangkan peruntukan RM10 juta bagi meneruskan Skim CERIA pada 2019 untuk membantu proses baik pulih kerosakan harta bersama pangsapuri kos rendah dan sederhana, berharga RM42,000 hingga RM150,000.

DATO' Menteri Besar, Amirudin Shari berkata, sejak mula dilaksanakan pada Disember 2010 sehingga Disember 2017, sejumlah 283 kawasan dengan 849 blok pangsapuri menerima manfaat melalui anggaran kos keseluruhan RM92.2 juta.

"Tiada lagi perkongsian kos antara Kerajaan Negeri dan penduduk memandangkan kos hidup yang semakin tinggi dengan kepayaan penduduk

membayar kos tambahan selain daripada caj penyelenggaraan.

"Kos penyelenggaraan sentiasa meningkat dari semasa ke semasa dan ia di luar kemampuan pemilik serta Badan Pengurusan Bersama (JMB) untuk membuat pembaikan.

"Skim CERIA adalah elemen penyelamat kepada JMB dalam menguruskan kerja sivil, penyelenggaraan lif dan pengindahan," katanya.

STRATEGI KELIMA: RAKYAT BAHAGIA NEGERI SEJAHTERA
SKIM CERIA

PERUNTUKAN SEBANYAK

RM 10 JUTA
PADA TAHUN
2019

BANTUAN BAIK PULIH KEROSAKAN HARTA

BERSAMA PANGSAPURI KOS RENDAH DAN SEDERHANA BERHARGA

RM 42,000 SEHINGGA RM 150,000



Katanya, bantuan Skim CERIA itu meliputi anggaran manfaat melebihi 171,700 unit kediaman dengan rangkuman 858,500 penduduk, di pangsapuri berkenaan.

"Dengan cadangan ini, Kerajaan Negeri berharap penduduk dapat menjaga harta bersama daripada vandalisme supaya ia berkekalan untuk tempoh lebih panjang dan meneruskan elemen pendidikan serta pemberdayaan komuniti berdasarkan perundangan juga polisi atau dasar sedia ada," katanya.

Kekal perkhidmatan Bas Smart Selangor

STRATEGI KELIMA: RAKYAT BAHAGIA NEGERI SEJAHTERA
PERKASA KEMUDAHAN & PENGANGKUTAN AWAM

PASAR MODEN	SMART SELANGOR TOILET (SST)	BAS SMART SELANGOR
PERUNTUKAN RM 2 JUTA	PERUNTUKAN RM 1 JUTA	PERUNTUKAN RM 30 JUTA



KERAJAAN Negeri akan meneruskan perkhidmatan Bas Smart Selangor dengan cadangan peruntukan RM30 juta bagi 2019, kata Dato' Menteri Besar, Amirudin Shari.

Beliau berkata, Kerajaan Negeri akan meneruskan keprihatinan terhadap usaha mempertingkatkan taraf perhubungan pengangkutan awam yang memberi manfaat kepada rakyat.

"Dengan jumlah penumpang mencecah 25 juta bagi tempoh sehingga 31 Ogos lalu, maka Kerajaan Negeri akan melakukan penambahbaikan seperti penjadualan dan kesesuaian bas yang lebih efisien bagi memastikan penggunaannya bermanfaat

untuk golongan berpendapatan rendah serta sederhana.

"Langkah ini bagi memastikan kelangsungan pelaksanaan Bas Smart Selangor kekal relevan dengan perkhidmatan lebih moden, sistematik dan mesra pengguna.

"Capaian perkhidmatan pengangkutan cekap serta diperdayai membolehkan Kerajaan Negeri terus maju kehadapan dan mencerminkan kehidupan masyarakat yang sejahtera," katanya.

Amirudin berkata, kejayaan Kerajaan Negeri menyediakan perkhidmatan bas percuma itu berjaya menjadikan Selangor sebagai 'role model' kepada negeri lain untuk menyediakan perkhidmatan seumpamanya.

Perkhidmatan Bas Smart Selangor yang dilaksanakan sejak tiga tahun lalu kini mempunyai 38 laluan dengan 123 bas, di 11 Pihak Berkuasa Tempatan.

Di samping itu, Kerajaan Negeri turut berpandangan penggunaan basikal sebagai mod pengangkutan alternatif bagi mencapai kesalinghubungan pengangkutan awam berkonsepkan Perbatuan Pertama dan Terakhir (*First and Last Mile*) serta perkongsian basikal perlu diperluaskan sebagai pengangkutan alternatif baru.



Sokong pentadbiran DYMM Tengku Amir Shah

FAS terima peruntukan RM12 juta

Persatuan Bola Sepak Selangor (FAS) bakal menerima peruntukan RM12 juta menerusi Belanjawan Selangor 2019 sebagai tanda sokongan kepada pentadbiran Duli Yang Teramat Mulia Raja Muda Selangor, Tengku Amir Shah.

DATO' Menteri Besar, Amirudin Shari berkata, Kerajaan Negeri yakin kepimpinan dan visi dibawa baginda sebagai Presiden FAS mampu mengembalikan kegemilangan pasukan Red Giants yang dinantikan pemintat.

"Peruntukan ini bagi membayai pasukan bola sepak Selangor, PKNS FC serta Selangor United yang akan bertanding di Liga Perdana buat pertama kali," katanya.

Beliau berkata, penstrukturkan baharu bola sepak Selangor akan dilakukan dalam masa terdekat selepas perbincangan lanjut antara pihak terbabit.

Katanya, penstrukturkan itu bagi mengembalikan semula kegemilangan pasukan bola sepak Selangor di arena bola sepak tanah air dan benua Asia.



Litar lumba di Sungai Tua

KERAJAAN Negeri mencadangkan pembinaan sebuah litar lumba di kawasan Sungai Tua, Gombak, bagi merancakkan lagi bidang sukan permotoran, di Selangor.

Dato' Menteri Besar, Amirudin Shari berkata, tanah seluas 20 ekar (8.094 hektar) diperuntukkan dan litar lumba itu akan dibina dengan kaedah 'Public Private Partnership'.

Katanya, ia bagi menggalakkan pembangunan sukan permotoran serta penganjuran acara permotoran di peringkat kebangsaan juga antarabangsa.

"Litar lumba ini akan mempunyai kemudahan berkapasiti 1,000 penonton dan dilengkapi kemudahan seperti 'paddock', kafeteria, surau dan gerai jualan."

"Pembinaan dibincangkan bersama Persatuan Automobil Malaysia (AAM) bagi mendapatkan spesifikasi dan pengiktirafan yang membolehkan kejohanan yang besar diadakan, di litar ini."

"Bagi memaksimalkan penggunaan, litar ini juga boleh digunakan sebagai litar latihan pemanduan bagi jabatan kerajaan seperti Jabatan Pengangkutan Jalan, polis dan bomba," katanya.

Selain itu, Kerajaan Negeri turut mencadangkan projek naik taraf kemudahan sukan di PBT juga diteruskan dengan jumlah peruntukan RM2.24 juta.

Katanya, kemudahan itu disediakan kepada atlet untuk membuat latihan, di samping sebagai satu tempat penganjuran sukan bertaraf antarabangsa. katanya.



Mahu terus jadi peneraju e-Sukan



RM400,000 diperuntukkan bagi pembangunan dan penganjuran sukan elektronik (e-Sukan) pada 2019 sejajar dengan hasrat Kerajaan Negeri menjadikan Selangor sebagai peneraju sukan itu.

Dato' Menteri Besar, Amirudin Shari berkata, Selangor Cyber Games yang sudah dijalankan sebanyak lima kali bermula pada 2014 menjadi jenama yang disegani dalam kalangan penggiat e-Sukan, di negara ini.

"Bermula 2014, penyertaan seramai 569 peserta dengan jumlah hadiah terkumpul berjumlah RM30,000.

"Kini dalam tahun kelima penganjurannya, Selangor Cyber Games 2018 berjaya menarik 1,100 peserta dengan jumlah hadiah terkumpul berjumlah RM250,000," katanya.

Bagi 2019, Kerajaan Negeri turut menyasarkan peruntukan RM1 juta daripada Kerajaan Persekutuan bagi melanjukkan pembangunan sukan e-Sukan ke peringkat serantau.



Kini dalam tahun kelima penganjurannya, Selangor Cyber Games 2018 berjaya menarik 1,100 peserta dengan jumlah hadiah terkumpul berjumlah RM250,000

AMIRUDIN SHARI
Dato' Menteri Besar

